

Fegl d'infurmaziun davart l'iniziativa

«DRETG DA VIVER»

Il dretg da viver e d'intergritad corporala e spiertala defenda la vita sch'ella è periclitada.

- El protegia l'uman malsaun u vegl da mesiras medicinalas che duain accelerar sia mort (eutanasia activa).
- Da l'autra vart preserva el l'uman malsaun u vegl da disposiziuns medicinalas betg vulidas per prolungar sia vita (Dretg d'ina mort natirala).
- El protegia la mamma ch'è en speranza e ses uffant betg anc naschi.
- El gida ils geniturs e lur uffant er sunter la naschientscha, particularmain en cas urgents.
- El prevegn a mintga furma da tortura.
- El garantescha in tractament correct a l'inquisit e praschunier.
- El defenda però er ils interess da las victimas da delicts da violenza.
- El pretenda disposiziuns che duain proteger meglier l'uman dals privels da traffic e tecnica.
- El intimescha la perscrutaziun biologica e medicinala da respectar la dignitad da l'uman (inseminaziun, in-vitro-fertilisaziun, transfers d'embrios).
- El pretenda che la legislativa e la giurisdicziun respectian e protegian la valita da quest dretg sin tut ils champs.

Quest artitgel impurtant dual francar il dretg da viver en la constituziun federala:

Art. 54 bis CF

1. Mintg'uman ha il dretg da viver e d'intergritad corporala e spiertala.
2. La vita da l'uman cumenza cun sia schendrientscha e finescha cun sia mort natirala.
3. La protecziun da la vita e da l'intergritad corporala e spiertala na dastga betg vegnir reducida en resguard da baints giuridics pli bass. Intervenziuns en mo pussaivlas sin via legala.

L'iniziativa «Dretg da viver»

- ans appelescha d'avair in respect profund e d'ans sentir responsabels visavi la vita umana.
- Ella appellecha a nus tuts da reflectar davart las dumondas fundamentalas da la vita e da l'esser uman.
- Ella fa attent che tuts auters dretgs umans perdan lur vigur sch'il dretg da viver na vegn betg protegi.
- Ella na pensa betg mo al balsegn mumentan, mabain er al futur da noss pajais.

Trametter per plaschair il **CUPON** a: Pro dretg da viver, secretariat, 7013 Domat/Ems

- Nus essan interessads ad ina scuntrada d'infurmaziun e supplitgain d'As participar (referents/material d'infurmaziun).
- Ma tramettai p. pl. exemplars fegls d'infurmaziun davart l'iniziativa «Dretg da viver».
- Jau m'interess per collavurar activamain.
- Jau vi sustegnair finanziarmain «Pro dretg da viver». Ma tramettai ulteriurs formulars da pajament.

Num ed adressa:

Telefon:

Comité d'acziun grischun «PRO DRETG DA VIVER»

Secretariat: 7013 Domat/Ems Tel. 081 36 12 19

Entschatta 1985

Fitg stimadas conburgaisas, fitg stimads conburgais,

sunter las discussiuns parlamentarias davart l'iniziativa dal pievel «Dretg da viver», inoltrada cun 227 427 suttascripziuns, ans spetga ils 8/9 da zercladur 1985 la votaziun federala dal pievel decisiva. I sa tracta d'ina decisiun dal pievel sco tut las autras. Il dretg da viver è in dals dretgs umans ils pli fundamentals. La dumonda è dentant, schebain vegnian tratgas er en noss stadi las consequenzas praticas da quest dretg evident.

Sco anc mai crescha ozendi la conscienza da proteger l'uman e l'ambient en tuts champs. Er l'iniziativa dal pievel «Dretg da viver» contribuescha a quest intent. Las generaziuns descendentas na duain betg pudair far reproschas a nus da bain avair protegi plantas, utschels e focas, ma betg l'uman, surtut ils pli flaivels, quels che na pon **betg anc u betg pli** sa defender. Ils progress ils pli novs da scienza e tecnica ans dattan pussaivladads quasi infinitas d'influenzar e manipular schendrientscha e naschientscha, vita e mort da l'uman. Gist quai mussa l'urgenza da proteger en noss urden da dretg concret e durablamain dretg e dignitad da la vita umana da la schendrientscha enfin a la mort. L'iniziativa «Dretg da viver» na vul nagut auter!

Per sustegnair era tar nus quest'iniziativa s'ha furmà in comité chantunal al qual fan gia part persunalitads impurtantas da las partidas e confessiuns!

Oz As supplitgain nus da sustegnair noss engaschament per l'iniziativa «Dretg da viver»: cun il cupon agiuntà! Cun il formular da pajament agiuntà; perquai ch'in scleriment da la populaziun davart questa dumonda d'impurtanza vitala per noss pievel pretenda considerabels meds finansials.

Per Vossa solidaritad As engraziain nus cordialmain gia ordavant ed As salidain amiaivlamain.

Dr. L. M. Caveltz
cusseglier dals stadis
Cuira
president

dr. med. E. Suenderhauf
Cuira
vice-presidenta

H. Gillardon
vegl deputà
Cuira
vice-president